

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**03 Aningaasaqarnermut tunngasut**

**Imm. 3.a Kwartalit sisamaanni 2020 aningaasaqarnermut nalunaarusiaq -  
Atugarissaarnermut immikkoortoqarfik**

**04. Suliassat nalinnaasut**

**Imm. 4.a Qeqqata Kommuniiani ikiuiguarnissamut upalungaarsimasut tunngaviusumik  
malitassat akuerineqarnissaanut qinnuteqaat.**

**Imm. 4.b Meeqqat tapersorneqarnissaanut Inatsisartut inatsisaat tunngavigalugu  
ilitsersuut nutarsagaq (2020) pillugu tusarniaaneq**

**Imm. 4.c Meeqqamik paarisassamik inissiinnermi sulinngiffeqarneq pillugu  
Namminersorlutik Oqartussat nalunaarutaat pillugu tusarniaaneq**

**Imm. 4.d Meeqqamik atornerluisoqarsimatillugu politiinut unnerluutiginnissamut  
akimmiffiusartut pillugit nalunaarusiaq pillugu tusarniaaneq**

**Imm. 4.e Inuit pisinnaatitaaffiit Kommissiomi pillugu Inatsisartut Inatsisissaatut  
siunnersuummut tusarniaaneq**

**05 Paasissutissiissutit**

**Imm. 5.a Ilaqtariit inerisaavimmi aqqissuussinissamut qinnuteqaammut paasissutissiissut.  
Maniitsoq**

**Imm. 5.b Angerlarsimaffik Neriusaami aputaajaatimik pisinissamut qinnuteqaat. Maniitsoq**

**Imm. 08 Tamalaat**

Ataatsimiinneq aallartippoq nal. 09:11

*Peqataasut:*

***Atassut***

Anna Karen Hoffmann, Kangerlussuaq

***Siumut***

Hans Frederik Olsen, Siulittaasoq, Nuuk, oqarasuaatikkut peqataavoq

***Inuit Ataqaatigiit***

Paulus Christensen, Sisimiut

*Nalunaaruteqarlutik peqataannngitsut:*

Erik Jensen, Sisimiut

*Nalunaaruteqaratik peqataannngitsut*

Juliane Enoksen, Siulittaasup tullia, Sisimiut

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarpoq

### 03 Aningaasaqarnermut tunngasut

#### **Imm. 3.a Kvartalit sisamaanni 2020 aningaasaqarnermut nalunaarusiaq - Atugarissaarnermut immikkoortoqarfik**

*Journalnr. 06.01.01*

##### Tunuliaqutaq

Ukiup ingerlanerani ingerlatsivinni qaammatit pingasukkaarlugit atuiffiit pingaarnerit qullersaqarfimmit nalunaarusiorneqartassapput. Matumuuna Atugarissaarnermut immikkoortortaqarfimmit 2020-imi kvartal sisamaata naanerani nalunaarut saqqummiunneqarpoq.

##### Maleruagassatigut tunngavigisaaq

Qeqqata Kommuniani karseqarnermut naatsorsuuteqarnermullu najoqqutassiaq. Aningaasaqarneq pillugu nalunaarusiorneq, missingersuutitigullu malinnaatitsisarnissaaq pillugu Qeqqata Kommuniani ilitersuut.

##### Pissutsit atuuttut

Aningaasaqarnermut takussutissat ataaniittut 2020-mi december-ip naanerani naatsorsorneqartuni kisitsisini oqimaaqatigiissitsinnermit aallaaveqarput.

2020-mi kvartalit sisamaanni oqimaaqatigiissitsilluni nalunaarusiaq aningaasaqarnermut immikkoortortamiit Atugarissaarnermut immikkoortortamut tunngasut ilanngussami takuneqarsinnaapput. December-imi immikkut aningaasaliissutit kiisalu atuiffinniit nuussinerit suli nalunaarsorneqarsimanngitsut atuinerunertut takuneqarsinnaapput.

Sulisunut tunngatillugu aningaasartuuteqarneq sulinermit atortunut tunngavoq, innarluutilinnut immikkoortortami atortorissaarutitik atuineruneq, atuiffinnullu nuussinerit suli angummaffigineqarsimanngillat.

##### Aningaasaqarnikkut allaffissornikkullu kingunerisinnaasai

Massakuugallartumut aningaasaqarnermi imaluunniit sulisoqarnermi kinguneqanngilaq.

Atugarissaarnermut immikkoortortaqarfik nalilersorpai suli aningaasaqarnermut aqutsineq sukatigaq ingerlanneqassaaq immikkoortortaqarfimmi aamma illorsuup avataani sullissivinni.

##### Allaffeqarfiup naliliinera

Atugarissaarnermut Immikkoortortaqarfik aningaasaqarnermut ingerlatsinerat pisussaminiippoq, Namminersorlutik Oqartussanit ulloq unnuarlu paaqqinniffinnut akiligassat ukiup naanerani suli tamakkerlugit tiguneqanngillat.

### **Innersuussut**

Atugarissaarnermut ataatsimiititaliamut akuereqqullugu innersuussutigineqarpoq:

1. Kvartalit sisamaanni 2020 aningaasaqarnermut nalunaarusiaq tusaatissatut tiguneqassasoq kingornalu Aningaasaqarnermut ataatsimiititaliamut kommunalbestyrelse-mullu ingerlateqqinneqassasoq.

### **Aalajangiineq**

Tusaatissatut tiguneqarpoq suliarlu Aningaasaqarnermut ataatsimiititaliamut kommunalbestyrelse-mullu ingerlateqqinneqassaaq.

### **Ilanngussat**

1. Kvartalsrapport 4. kvartal Atugarissaarnermut immikkoortortaq 2020

#### 04 Suliassat naliginnaasut

#### **Imm. 4.a Qeqqata Kommuniani ikiuigasuarmissamut upalungaarsimasut tunngaviusumik malitassat akuerineqarnissaanut qinnuteqaat.**

*Journalnr.*

##### Tunuliaqutaq

Qeqqata Kommuniani innuttaasut akornanni pinartumik ilimaginngisamillu nalaataqarnerlunnermi tarnikkut innuttaasunut ikiuigasuarmissamut tapersersuinissamullu upalungaarsimasoqarnerata nittarsanneqarnissaa aammalu Qeqqata kommuniani assigiimmik neqerooruteqartoqartarnissaa ukiuni kingullerni suligasuartartussanik suliffeqarfanni assigiinngitsuni sulisunut pikkorissaanerit ingerlanneqartarnikuupput, aamma upalungaarsimasut annertuumik suliaqarnikuullutik malitseqartitsinerit ingerlanneqarnikuullutik illoqarfimmi nunaqarfittaani.

##### Maleruagassatigut tunngavissat

Soqanngilaq

##### Pissutsit atuuttut

Qeqqata Kommuniani ikiuigasuarmissamut upalungaarsimasut Sisimiuni Ilaqutariinnik Kiffartuussiviup aammalu Maniitsumi Ilaqutariinnut Inerisaaviup ataani aqqissuussaasumik inissisimapput, ikiuigasuarnerlu aallartinneqartillugu Atugarissaarnermut immikkoortorta qarfiit qanimut suleqatigineqartarlutik.

Innuttaasut akornanni annertuumik pinartumik ilimaginngisamillu nalaataqarnerlunnermi, tarnikkut innuttaasunut ikiuigasuarmissamut tapersersuinissamullu upalungaarsimasoqarnerup tunngaviusumik malitassaqaarnissaq amigaataanikuuvoq aammalu inuttaasut tarnikkut ikiorserneqaarnissaminnut periarfissanik ilisimasaqalernissaat pingaaruteqarmat, assigiissaarinissaq tunngavigalugu innuttaasunut ikiuigasuarmissamut tapersersuinissamullu upalungaarsimasoqarnerup Maniitsumi Sisimiunilu suleqatigiillutik tunngaviusumik malitassamik sanasoqarluni.

##### Atuilluartaunissakkut kingunerisinnaasai

Ukiuni kingullerni innuttaasut akornanni annertuumik pinartumik ilimaginngisamillu nalaataqarnerlunnermi tarnikkut innuttaasunut ikiuigasuarneq tapersersuinerlu upalungaarsimasuniit ingerlalluarnikuuvoq aammalu innuttaasut kingulerlutsitsinissaraluamik annertuumik pinaveersaartitsinerimik kinguneqarluarsimalluni, tamannalu pillugu ingerlatiinnarneqaarnissaa atuilluarnerulluni.

##### Allaffeqarfiup naliliinera

Atugarissaarnermut Immikkoortorta qarfik Sisimiut Maniitsorlu naliliipput. Qeqqata kommuniani assigiimmik innuttaasunut neqerooruteqartarnissaq pillugu ukiuni kingullerni suligasuartartussanut pikkorissaanerit ataavartumik ingerlanneqartarput. Qeqqata kommuniani upalungaarsimasut annertuumik Atugarissaarnermut immikkoortorta qarfimmu oqilisaataasimapput aammalu innuttaasunit tarnikkut ikiorserneqaarnissaminnik tapersersorneqaarnissaminnillu pisariaqartitsisimasut oqariartuutigaat oqaloqatiginninnerit malitseqartitsinerillu iluaqutigisarsimallugit aammalu neqeroorutigineqartoq qujamasuutigineqarluni.

**Innersuussut**

Atugarissaarnermut Immikkoortortaqarfik Sisimiut Maniitsoq Atugarissaarnermut  
Ataatsimiititaliamut innersuussutigivaa akuereqqullugu

1. Qeqqata Kommuniani ikiuigasuarmissamut upalungaarsimasut tunngaviusumik malitassat.

**Aalajangiineq**

Akuersissutigineqarpoq.

**Ilanngussat**

1. Qeqqata Kommuniani ikiuigasuarmissamut upalungaarsimasut.

**Imm. 4.b Meeqqat tapersorsorneqarnissaannut Inatsisartut inatsisaat tunngavigalugu ilitersuut nutarsagaq (2020) pillugu tusarniaaneq**

*Journalnr. 42.00*

Tunuliaqutaq

Pitsaaliuinermit Isumaginninnermullu Aqutsisoqarfiup “Meeqqat tapersorsorneqarnissaannut Inatsisartut inatsisaat tunngavigalugu ilitersuut nutarsagaq (2020)” pillugu tusarniaat Qeqqata Kommuniaut nassiuppaat ulloq 30. Juni 2020.

Maleruagassatigut tunngavissat

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq

Pissutsit atuuttut

Pitsaaliuinermit Isumaginninnermullu Aqutsisoqarfik kommuunini pisortaqarfinni meeqqanik inuusuttunillu sullissisunut najoqqutassiorsimavoq, Meeqqat tapersorsorneqarnissaannut Inatsisartut inatsisaannik nr. 20, 26. Juni 2017-imeersumut aamma Meeqqat tapersorsorneqarnissaannut Namminersorlutik Oqartussat nalunaarutaannik nr. 16, 8. November 2017-imeersumut paasinninnissamut tapertassatut.

Najoqqutassiaq ilitersuutissatut quppersagassatullu, Inatsisip ulluinnarni sulinermit atorpeqarsinnaasunngortinnissaanut atortussatut tapertassatut, isumassarsiorfissatut ilitersuutitullu atorpeqartussanngorlugu suliaavoq. Sullissisut suliaminnik aallussinerannut tapertassatut minnerunngitsumillu meeqqat pisinnaatitaaffiisa qulakkeernissaat, meeqqallu peqataatinneqarnissaat qulakkeerniarlugu najoqqutassiaq suliarineqarpoq.

Atuilluartuunissakkut kingunerisinnaasai

Kommuunini suliat ingerlariaasii tamarmik assigiissarneri najoqqutassiap ilaatigut qulakkiissavaa, taamaasillutik sullissisut misilittakkaminnik avitseqatigiissinnaanerit kommuunimi sorlermi sulinerat apeqqutaanani ingerlanneqariaannangussalluni.

Najoqqutassiaq skabeloninik qulakkeerutinillu imaqarpoq sullissineq naammaginartumik ingerlanneqarnissaa qulakkeerniarlugu, assersuutigalugu suliap ingerlanerani qulakkeerummik, meeqqamik oqaloqateqarnermi qulakkeerummik, journaliseeriinermit qulakkeerummik il.il. imaqarluni, taamaasillunilu sullissineq kukkuluttornertaqanngitsumik naammaginartumillu ingerlanissaa qulakkeerneqassalluni.

Pingaarnertulli najoqqutassiap siunertaraa Meeqqat tapersorsorneqarnissaannut Inatsisartut inatsisaat timitalerneqarnissaa, tamassumap meeqqat pisinnaatitaaffii peqataatinneqarnerallu qulakkiissavaa.

Aningaasaqarnikkut allaffissornikkullu kingunerisinnaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia tusarniutip akissutaanik ukuninnga nassiussivoq:

Meeqqat tapersorsorneqarnissaannut ilitersuut nutarsagaq pillugu Qeqqata Kommunia akerliliissutigineqanngilaq.

Kisiannili oqaaseqaatiginiarparput tusarniaaneq nassiunneqarmat pisortagigoortumik saqqummersinneqareermat aammalu atortussat naqitereernerata kingorna.

### **Innersuussut**

Ilaqtariinnermut immikkoortortap Atugarissaarnermut ataatsimiititaliamut innersuussutigaa:

- Kommunini pisorta qarfinni meeqqat tapersersorneqarnissaannut inatsimmut ilitsersuummut tusarniaanermi akissummut paasisutissiineq tusaatissatut tiguneqassasoq.

### **Aalajangiineq**

Tusaatissatut tiguneqarpoq.

### **Ilanngussat**

1. Kommunini pisorta qarfinni meeqqat tapersersorneqarnissaannut inatsimmut ilitsersuummut tusarniaanermut allakkat
2. Kommunini pisorta qarfinni meeqqat tapersersorneqarnissaannut inatsimmut ilitsersuut
3. Skabelonit



**Imm. 4.c Meeqqamik paarisassamik inissiinermi sulinnigiffeqarneq pillugu  
Namminersorlutik Oqartussat nalunaarutaat pillugu tusarniaaneq**

*Journalnr. 42.00*

Tunuliaqutaq

Isumaginninnermut, Ilaqutariinnut Inatsisinillu Atuutsitsinermut Naalakkersuisoqarfiup “Uunga missingiut: Meeqqamik paarisassamik inissiinermi sulinnigiffeqartarneq pillugu Namminersorlutik Oqartussat nalunaarutaat nr. Xx, xx.xxx 2020-meersoq” pillugu tusarniaat Qeqqata Kommuniaut nassiuppaat ulloq 30. septemberi 2020.

Maleruagassatigut tunngavissat

Meeqqamik paarisassamik inissiinermi sulinnigiffeqartarneq pillugu Namminersorlutik Oqartussat nalunaarutaat nr. 3, 26. Februar 2010-imeersoq.

Pissutsit atuuttut

Isumaginninnermut, Ilaqutariinnut Inatsisinillu Atuutsitsinermut Naalakkersuisoqarfik malittarisassanik sukumiinerusunik meeqqamik paarisassamik inissiinermi sulinnigiffeqartarneq pillugu aalajangersaapput.

Malittarisassat sukumiinerusut sulinnigiffeqarnerup minnerpaamik sivikissusissaa aalajangersarppaa, imaappoq meeqqamik ataaseq inorlugu ukiulimmik ilaqutariinnut paarsisartunut inissiisoqartillugu, sulinnigiffeqarnermi angajoqqaatullu sulinnigiffeqarnermi sapaatit akunnerinik 36-nik akuleriissillugit sivilissuseqartuni, meeqqap angajoqqaavisa sulinnigiffeqarfigisimanngisaasa sinneruttut minnerpaamik amerlaqataannik, sulinnigiffeqarnissamik akuersissuteqartoqassasoq. Meeqqamik ataaseq inorlugu ukiulinnik marlunnik amerlanernilluunniit ataatsikkut inunngorsimasunik ilaqutariinnut paarsisartunut inissiisoqartillugu, sulinnigiffeqarnermi angajoqqaatullu sulinnigiffeqarnermi sapaatit akunnerinik 44-nik akuleriissillugit sivilissuseqartuni, meeqqap angajoqqaavisa sulinnigiffeqarfigisimanngisaasa sinneruttut minnerpaamik amerlaqataannik, sulinnigiffeqarnissamik akuersissuteqartoqassasoq.

Tamatuma saniatigut nalunaarut atuisunut paasiuminarninngortinniarlugu aaqqissuussaanera allanngortinneqarpoq.

Atuilluartaunissakkut kingunerisinnaasai

Malittarisassanik sukumiinerusunik aalajangersaanerup sullissineq ajornannginnerulersissavaa nalorninaatsunngortillugu, ersareqqinnaartumik allassimalissagami qanoq sivilisutigisumik paarsisartut sulinnigiffeqarsinnaanerit meeqqamik inissiisoqartillugu.

Aningaasaqarnikkut allaffissornikkullu kingunerisinnaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia tusarniutip akissutaanik ukuningga nassiussivoq:

Qeqqata Kommuniata iluarisimaarpaa Naalakkersuisut Ilaqutariinni paarsisartuni meeqqamik paarisassamik inissiinermi sulinnigiffeqartarneq pillugu malittarisassanik sukumiinerusunik aalajangersaanerat.

Qeqqata Kommuniata Naalakkersuisut kaammattorusuppaat, nalunaarummi pineqartumi, ilaqutariinni paarsisartut aningaasarsiaqartut, meeqqamik paarisassamik inissiinermi erninermusiaqartittaassanersut malittarisassanik sukumiinerusunik aaliangersaaqqullugit.

Tusarniaanermut akissut allaffissornikkut suliarineqarpoq.

### **Innersuussut**

Ilaqutariinnermut immikkoortortap Atugarissaarnermut ataatsimiititaliamut innersuussutigaa:

- Meeqqamik paarisassamik inissiinermi sulinngiffeqarneq pillugu Namminersorlutik Oqartussat nalunaarutaat pillugu tusarniaanermi akissummut paasissutissiineq tusaatissatut tiguneqassasoq.

### **Aalajangiineq**

Tusaatissatut tiguneqarpoq.

### **Ilanngussat**

1. "Uunga missingiut: Meeqqamik paarisassamik inissiinermi sulinngiffeqartarneq pillugu Namminersorlutik Oqartussat nalunaarutaat nr. x, xx.xxx 2020-meersoq" pillugu tusarniaanermut allakkat
2. Uunga missingiut: Meeqqamik paarisassamik inissiinermi sulinngiffeqartarneq pillugu Namminersorlutik Oqartussat nalunaarutaat nr. x, xx.xxx 2020-meersoq

**Imm. 4.d Meeqqamik atornerluisoqarsimatillugu politiinut unnerluutiginninnissamut akimmiffiusartut pillugit nalunaarusiaq pillugu tusarniaaneq**

*Journalnr. 42.00*

Tunuliaqutaq

Kalaallit Nunaanni Politiit “Meeqqamik atornerluisoqarsimatillugu unnerluutiginninnissamut akimmiffiusartut pillugit nalunaarusiaq” pillugu tusarniaat Qeqqata Kommunianut nassiuppaat ulloq 3. september 2020.

Maleruagassatigut tunngavissat

Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq

Pissutsit atuuttut

Kalaallit Nunaanni Politiit meeqqamik atornerluisoqarsimatillugu politiinut unnerluutiginninnissamut akimmiffiusartut qulaajarniarlugit misissuisimapput nalunaarusiorlutillu. Politiit taamaasiornikkut meeqqamik atornerluinerit amerlassusaat saqquminngitsut qulaajarneqarnissaat kissaatigaat, aammalu sulissutigerusullugu meeqqamik atornerluisoqarsimatillugu politiinut unnerluussisoqartarnissaa. Politiit nalunaarusiaq aallaavigalugu innersuussutilersimapput, ilaatigut akimortumik suleqatigiinneq immikkut pitsanngorsarneratigut allangueqataarusullutik.

Tamanna pequtigalugu politiit pisortaqarfiit assigiinngitsut isummersoqatiginissaat ujartorpaat, ilaatigut Qeqqata Kommunianut nalunaarusiami misissueqqissaarnerit imarisaat pillugit isummersoqatiginissaa, kiisalu pilersaarusiornermi ikorfartorneqarnissaaq innersuussutigineqartut piviusunngortinnissaa aammalu timitalernissaa kissaatigalugu.

Kalaallit Nunaanni Politiit taamaattumik kissaatigaat nalunaarusiami misissueqqissaarneq oqaaseqarfigineqassasoq kiisalu Qeqqata Kommunianut innersuussutit timitalernissaanut qanoq peqataatigisinnaanersoq oqaaseqaateqassasoq.

Atuilluartuunissakkut kingunerisinnaasai

Meeqqamut inuusuttumulluunniit atornerluisoqarsimaneranut pasitsannerit politiinut unnerluutiginnissaanut akimmiffiusut akiorniarlugit akimortumik suleqatigiinnerulernerup, unnerluussinerit amerlisissinnaavaat taamaasillutillu pisortat akimortumik suleqatigiillutik atornerluisarnerit akiorniarlugit suliniarnerat nukittorsarsinnaallugu.

Taamaasilluni atornerluinerit amerlassusaat saqquminngitsut annikillisarneqassammata nunatsinnilu pisortanut ajornanninnerulissalluni pisariaqarfiusuni suliniuteqalernissaaq atornerluinerit akiorniarlugit.

Unnerluussinerit amerliartorneri ilutigalugit sammisaaq paquminarunnaariartussaaq, tamatumalu kinguaassitutigut atornerlunneqarsimasut ikiortinneqarnissamik ujartuerusunnerat ajornanninnerulersinnaalluni, kingunerluutillu taamaasillutik igalassimatinneqarlutik.

Aningaasaqarnikkut allaffissornikkullu kingunerisinnaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunianut tusarniutip akissutaanik ukuninnga nassiussivoq:

Kommuuniminngaanniit nuannaarutigaarput meeqqanut atornerluinerit politiinut unnerluutiginnisaanut akimmiffiusut aallunneqarmata, isumaqarlutalu sammisaq sammineqarnissaminik pisariaqartitsisoq.

Ilisimatitsissutigisinnaavarput Qeqqata Kommunia upalungaarsimanermut pilersaarusiorsimammat kommuunip suliffeqarfiini meeqqamik inuusuttumilluunniit timikkut eqqarsartaatsikkut imaluunniit kinguaassiutitigut atornerluisoqarsimaneranut pasitsaassinermi sulisut qanoq periuseqarnissamik allaaserinnittumik. Ilisimavarput ajorluartumik kommuunip suliffeqarfiutaani sulisoqarmat meeqqat ajornartorsiortut ersiutaannik ilisarinnissinnaanatillu paasinnissinnaanngitsunik peqaratta. Taamaattumik ataavartumik suliniutigaarput kommuunimi sulisut tamarmik upalungaarsimanermut pilersaaruterput ilisimaarissagaat, siusissukkullu ersiutinik ilisarinninnissaannik pikkorissarnissaat suliniutiguarlugu.

Kommuunip suliffeqarfiutaanni sulisut meeqqamik inuusuttumilluunniit atornerluisoqarsimaneranik pasitsaassinermi atuarfinni marluusuni isumaginninnermut siunnersortinit imaluunniit MISI-mit siunnersortinnissamik periarfissaqarput. Taamaattorli isumaqarpugut paasititsiniaanerit assigiinngitsut piffinnilu assigiinngitsuni ataavartumik ingerlanneqarnissaat pisariaqartut meeqqamik inuusuttumilluunniit atornerluisoqarsimatillugu unnerluussinissamut akimmiffiit qaangerumallugit, soorlutaaq tamanna nalunaariap innersuussutitaanni arlaleriarluni eqqaaneqartoq. Taamaammatt kommuunip sulissutiguarpa innuttaasunik sulisunillu unnerluussisussaataaneq pillugu, sumiginnaanermi meeqqami ersiutaasartut pillugit, upalungaarsimanermut pilersaarut, inuttut killit, il.il. paasissutissiissutiguarmissaat.

Meeqqat Illersuisuata angalanermini nalunaarusiaani innersuussutai 2017-imeersut aallaavigalugit Qeqqata Kommunia februar 2018-imi akimortumik suleqatigiissitanik arfinilinnik pilersitsivoq. Suliniut januaari 2019-imi allisinnearpoq MIO-p angalanermi nalunaarusiaa, kommunalbestyrelsemi suleqatigiinnissamik isumaqatigiissut, pilersaarusiornermi periusissaq, peqqinneq pinaveersaartitsinissarlugu pillugit politikkilu aallaavigalugit ingerlasussanngorlugu. Taamaasilluni Atugarissaarnermut Immikkoortortamit, Ilinniartitaanermut Aningaasaqarnermullu Immikkoortortamit, kommuunip paaqqinnittarfianiit, atuarfinniit, sunngiffimmi ornittakkaniit, Meeqqat Inuusuttullu Pillugit Siunnersuisarfimmit aamma peqqinnissaqarfimmit peqataaffigineqartunik suleqatigiissitanik arfineq marluusunik pilersitsisoqarluni. Inooqataanikkut atugarissaarneq, angajoqqaatut akisussaaneq, immikkut pisariaqartitsineq, siusissukkut iliuseqarneq, ilaqutariit paarsisartut, eqeersimaartumik sunngiffik aamma peqqissumik ukioqqortusiartornerlu suleqatigiissitani arfineq marluusuni aallunneqarput.

Akimortumik suleqatigiissitanik pilersitsinikkut Qeqqata Kommuniata siunertaraa pinaveersaartitsinerit pisariaqartut aallartisarneqassasut innuttaasut assigiinngitsumik atugallit tamarmik inuunerissaarnerulernissaat siuarsarniarlugu kiisalu pinaveersaartitsinerit, ilaatigut meeqqanik inuusuttunillu kinguaassiutitigut atornerluinerit pinaveersaartinniarlugit.

Taamatuttaaq meeqqat inuusuttullu pillugit suliniutit nukittorsarniarlugit Qeqqata Kommunia, Randers Kommune aamma Københavns Kommune isumaginninnermut meeqqanullu tunngasunik suleqatigiinnissamik isumaqatigiissusioqatiginikuuai. Qeqqata Kommunianni isumaginninnermi suliaqartut nukittorsarniarlugit qallunaat kommuuniinit marluusunit, isumaginninnermut siunnersortinik isumaginninnikkut misissuinernik, iliussissatut pilersaarutinik, aamma sanilerisanik ilinniartitsinermik suliaqarnermikkut ikiunnissaat siunertaavoq. Suleqatigiinnissamik isumaqatigiissut September 2021-p tungaanut atuutissaaq, sumiiffimmilu sulisut suliaasaanik oqilisaassillunilu piffissaq sullissinnermut atorneqartoq annikillissarnissaa qularnanngilaq.

Piffissami matumani kommuuni suliniutinik assigiinngitsunik innersuussutinut naapertuuttunik ingerlatsivoq, taamaattorli suliniutinut ingerlasunut kiisalu suliniutinik nutaanik pilersitsinissamut

meeqqamik inuusuttunillu atornerluinerit unnerluutiginnissaanut akimmiffiusut akiorniarlugit annertusaanissamut, pitsanngorsaanissamut kiisalu isumaginnittoqarfiit allat suleqatigineri annertusarnissaannut amnavugut.

Kommuunitta atugarissaarnermut immikkoortortaani isumaginninnermut siunnersortit politiit qanimut suleqatigisarpaat. Soorlu politiit kommuunitta upalungaarsimanermut ataatsimiititaliaani peqataasut, ataatsimiinnernullu upalungaarsimanermut ataatsimiititaliaami ilaasortat allat peqatigalugit qaaqquneqartartut, meeqqamik atornerluisoqarsimaneranut pasitsaassisoqartillugu.

Paasissutissanik sukumiinerusunik perusukkussi ataani atsiortut saaffiginissaannut tikilluaqqusaavusi.

### **Innersuussut**

Ilaqtariinnermut immikkoortortap Atugarissaarnermut ataatsimiititaliamut innersuussutigaa:

- Meeqqamik atornerluisoqarsimatillugu politiinut unnerluutiginninnissamut akimmiffiusartut pillugit nalunaarusiaq pillugu tusarniaanermi akissummut paasissutissiineq tusaatissatut tiguneqassasoq.

### **Aalajangiineq**

Tusaatissatut tiguneqarpoq.

### **Ilanngussat**

1. Meeqqamik atornerluisoqarsimatillugu politiinut unnerluutiginninnissamut akimmiffiusartut pillugit nalunaarusiaq pillugu tusarniaanermut allakkat
2. Meeqqamik atornerluisoqarsimatillugu politiinut unnerluutiginninnissamut akimmiffiusartut pillugit nalunaarusiaq

**Imm. 4.e Inuit pisinnaatitaaffiit Kommissiomi pillugu Inatsisartut Inatsisissaatut siunnersuummut tusarniaaneq**

*Journalnr. XX.XX.XX*

Tunuliaqutaq

Peqqissutsimut Naalakkersuisoqarfik “Unga siunnersuut: Inuit Pisinnaatitaaffiit Kommissiomi pillugu Inatsisartut inatsisaat nr. Xx, uu. qqqq 2021-meersoq” Qeqqata Kommuniarut tusarniaassutigalugu nassiuppaa ulloq 18. December 2020.

Maleruagassatigut tunngavigisaq

Inuit Pisinnaatitaaffii pillugit Siunnersuisoqatigiit pillugit Inatsisartut inatsisaat nr. 20, 27. November 2018-meersoq

Angutit arnallu naligiissitaanissaat pillugu Inatsisartut inatsisaat nr. 3, 29. November 2019-meersoq  
Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. November 2011-meersoq

Inuit Innarluutillit illersuisuat pillugu Inatsisartut inatsisaat nr. 1, 29. Maj 2017-meersoq  
Utoqqaat illersuisuat pillugu Inatsisartut inatsisaat nr. 37, 28. November 2019-meersoq

Pissutit atuuttut

Ullumikkut sullissiviit tallimat assigiinngitsut ukuusut: Inuit Pisinnaatitaaffiit Kalaallit Nunaata Siunnersuisoqatigiivi, Meeqqat pisinnaatitaaffiit sullissivik, Inuit innarluutillit illersuisuat, Naligiissitaanermut Siunnersuisoqatigiit aamma Utoqqaat Illersuisuat innuttaasut pisinnaatitaaffii siuarsaaffiginiarlugit illersorniarlugillu suliaqarput.

Naalakkersuisut siunnersuutigaat qulaani sullissiviit pineqartut arlaannaanulluunnit pituttorsimannngitsumut katersorneqassasut, pituttorsimannngitsumik sulinerup nukittorsarneqarnissaa, nukiit tulluarnepaamik tamatigut atornissaat kiisalu suliatigut nukittorsaanissaq siunertaralugu.

Sullissiviit kattunnerisigut sullissivimmik pisinnaatitaaffeqarfiit akornanni sulineq siuarsarniarlugu, suliasat assigiinngitsut naammassisaqarfigineqarnerulernissaat, kiisalu suliatigut immikkut ilisimasaqarnerulernissaq qulakkearniarneqarpoq.

Danmarkimi Inuit Pisinnaatitaaffii pillugit sullissivimmik Inatsit Kalaallit Nunaanni atuutilerpoq 2014-imi, tamassuma kingunerivaa Danmarkimi inuit pisinnaatitaaffiit sullissiviit inatsisip atuutilerneraniit Kalaallit Nunaanni pisortatigoortumik inuit pisinnaatitaaffii suliarilersimmagat. Kommissiomi Inuillu Pisinnaatitaaffii pillugit Sullissivik akornanni suliat agguataarneri paariinnarneqassapput suliasaqarfiup naalagaaffimmit tiguneqarnissaata tungaanut, taamaattorli naatsorsuutigineqarpoq kommissiomi pilersinneqareerpat Inuit Pisinnaatitaaffii pillugit Sullissivik kommissionilu suleqatigiillutillu ikorfartoqartigiissasut.

Naalakkersuisut siunnersuutigaat kommissiomi tallimanik ilaasortaqaassasoq, sullissivinni kattunneqartuni pisortaasut ilaasortanngornissaat siunnersuutigineqarluni, taamaasiornikkut illersuisutut atuuffiit nukittuut ingerlaannarnissaat siunertaralugu.

Kommissiomi ilaasortaasut siulittaasuullu pisortatigoortumik allagarsiusserernerup kingorna Inatsisartunit toqqarneqartassaaq, ilaasortat ukiunut sisamanut toqqagaasassapput, toqqaaqqinneqarsinnaassallutillu ukiunut sisamat. Taassuma kingorna toqqaaqqinneqarsinnaalissapput minnerpaamik ukiut sisamat qaangiunnerisigut.

Allattoqarfiit ataasiinnanngorlugit nuummi inissisimasussamik kattunneqassapput, piginnaasat suliffeqarfimmi ataatsimi katersornissaat siunertaralugu.

Allattoqarfik kommissionip allaffissornikkut suliassaataanik isumaginnittuussaaq kommissionimullu sulianut tunngasutigut ikiuuttassalluni.

Kommissionimut 12,1 mio.kr.-inik 2021-mut aningaasaliissuteqartoqassaaq, suliassaqarfinnut assigiinngitsunut agguataarneqartussanik.

Naalackersuisut siunnersuutigaat kommissioni:

1. Suiaassuseq, ammip qalipaataa, kikkunnit kingoqqisuuneq, oqaatsit, upperisaq, il.il. pissutigalugit immikkoortitsinertaqanngitsumik kikkut tamat naligiimmik pineqarnissaat siuarsassagaa.
2. Inuit pisinnaatitaaffii siuarsassavai illersorlugillu, pingaartumik:
  - Kalaallit Nunaanni inuit pisinnaatitaaffii eqqarsaatigalugit inissisimaneq pillugu nakkutilliinikkut, uppersarsaasersuinikkut nalunaaruteqartarnikkullu
  - Inatsisartunik, Naalackersuisunik, pisortani oqartussanik allanik susasaqartunillu namminersortunillu siunnersuisarnikkut
  - Inuit pisinnaatitaaffii pillugit innuttaasut akornanni oqallinnermut peqataanermigut ilisimasanillu ingerlateqqiisarnermigut, aamma
  - Nunat tamalaat akornanni inuit pisinnaatitaaffii pillugit isumaqatigiissutinut ilanngunnissamut, akuersissuteqarnissamut timitaliinissamullu kaammattuuteqartarnermikkut.

#### Atuilluartuunissakkut kingunerisinnaasai

Inuit pisinnaatitaaffiit sullissiviit kattunnerisigut innuttaasut inuttut pisinnaatitaaffii siuarsarnerisigut illersornerisigullu kommissioni siunissami sunniuteqarsinnaanera annertusarneqassaaq, kommissionip suliaani tamani kommissærit tamarmik tunuliaqutigineqalissammata. Taamatuttaaq nukiit tulluarnepaamik atorneqalissapput misilittakkallu ilisimasallu sullissivimmi ataatsimi katersornissaat aamma qulakkeerneqassalluni. Siunnersuummi kommissionip pisinnaatitaaffii siammasinnerusumik allaaserineqarnerata pisariillisarneqarnerata kingunerissavaa, kommissionip suliassaminut aalajangersaanissaminut kiffaanngissuseqarnerulernissaa, taamatullu aamma nammineq atuunnermi annerusumik aalajangersaasinnaanerulernissaa.

#### Aningaasaqarnikkut allaffissornikkullu kingunerisinaasai

Sullissiviit nuummi qitiusumik inissinneqarnissaata kingunerissavaa Qeqqata Kommuniata suliffeqarfinnik, taamatullu akileraarutinik isertitassanik annaasaqarnissaa.

Kommissionip kommuuninut paasissutissanik piniarsinnaaneranut pisinnaatitaanerata, allaffissornikkut annikittumik artukkiisinnaanera naatsorsuutigineqarportaaq.

#### Allaffeqarfiup naliliinera

Naalackersuisut siunnersuutigaat inuit pisinnaatitaaffii assigiinngitsut pillugit inatsisit atuuttut atorunnaarsinneqassasut, inatsimmut siunnersuutip atuutilernerani, Angutit arnallu naligiissitaanissaat pillugu Inatsisartut inatsisaat minillugu, tassanimi naligiissitaanermi inatsimmi §37, imm. 2 kisimi atorunnaarsinneqassamat. Inatsisit atuuttut pineqartut atorunnaarsinnerasigut pisortaqarfiit assigiinngitsut, peqatigiiffiit namminersortut, kattuffiillu sullissivinnut assigiinngitsunut sunniisinnaaneranut pingaarutillit annaaneqassapput. Assersuutigalugu Meeqqat Illersuisuat pillugu inatsit atorunnaarsinnerasigut, Meeqqat pillugit Siunnersuisoqatigiit, inuttalersornera ilaatigut kommuuninit innersuussinikkut pisartoq, atorunnaarsinneqassaaq.

Aammattaaq Inuit Pisinnaatitaaffiit Kalaallit Nunaata Siunnersuisoqatigiivi, kommuunimit peqataaffigineqartartoq, inatsit tassunga tunngasoq atorunnaarsinnerasigut atorunnaarsinneqassaaq.

Kommissioni illoqarfiit pingaarnersaanut inissinneqarnerata kingunerissavaa pisortat suliffeqarfianik qitiusumik inissiineq, taamatuttaaq kitaani suliffeqarfimmik annaasaqarneq. Qitiusumik inissiineq nalorninartoqarpoq kitaani ineriartorneq, suliffeqarneq, kiisalu ilisimasat, misilittakkallu illoqarfiit pingaarnersaanut nuunneqassammata.

Allaffeqarfiup nalilerpaa suliartigut immikkut ilisimasaqaleneq sanngiinnerulissasoq, allaffeqarfiup sulisuinik kattussinerup kingunerisaanik ikilisaasoqassappat. Kommissionip sammisaat atuuffiilu siammasinnerulernerisa kingunerisaanik, sullissiviit aallartinneraniit immikkut ilisimasat pigineqalersimasat taamaasillutik aamma annaaneqassallutik.

Allaffeqarfiup siunnersuut innuttaasunik pitsaaneruseqarnera sullissinissamut periarfissatut isiginngilaa qitiusumik inissiinissaq kiisalu immikkut ilisimasat annikillinissaat peqqutigalugu, siunnersuulli aqqissuuseqqinnertut Naalakkersuisut suliassaqarfinnut assigiinngitsunut aningaasartuutaannut annikillisaanissamik siunertaqartutut nalilerlugu.

Takorloorneqarsinnaavoq innuttaasut assigiinngitsunik inissisimasat, inuit pisinnaatitaaffii pillugit sullissisunit maannamut aallunneqarsimasat “nipitik” annaassagaat, illersuisutut inissisimanerit atorunnaarsinneqarpata. Kommissærinni aallussinerat sulinerallu siammasinnerulertussaammat.

Peqatigiiffiittaaq assigiinngitsut inuit pisinnaatitaaffii pillugit sullissivinni massakut atuuttuni katersuuffitsik annaassavaat, “nipiisalu” annaaneqarnissaat navianartorsiutigineqassalluni.

Allaffeqarfiup eqqarsarnartoqartippaa sooq Naalakkersuisut kommissioniliornissaq siunniunnaat, inuit pisinnaatitaaffiit sullissivimmik pilersitsinissamut taarsiullugu, tassami kommissionit piffissami killilikkami atuutsinneqartarmata.

Allaffeqarfiup taamaattumik kissaatigineqartooq sumit pinngorsimanersoq eqqarsarnartoqartippaat.

### **Innersuussut**

Atugarissaarnermut Immikkoortortaqarfiup Atugarissaarnermut Ataatsimiititaliamut tusarniaassut pillugu isummersornissaat innersuussutigaa.

### **Aalajangiineq**

Tusarniaassummi suliniutaasoq Atugarissaarnermik ataatsimiititaliap tapersorsorneqanngilaq.

### **Ilanngussat**

1. Uunga siunnersuut: Inuit Pisinnaatitaaffiit Kommissioni pillugu Inatsisartut inatsisaat nr. Xx, uu. Qqqq 2021-meersoq pillugu tusarniaanermi allagaq
2. Uunga siunnersuut: Inuit Pisinnaatitaaffiit Kommissioni pillugu Inatsisartut inatsisaat nr. Xx, uu. Qqqq 2021-meersoq
3. Inatsimmut siunnersuummut naliginnaasumik nassuiaatit



## 05 Paasissutissiissutit

### **Imm. 5.a Ilaqtariit inerisaavimmi aqqissuussinissamut qinnuteqaammut paasissutissiissut. Maniitsoq**

*Journalnr. 03*

#### Tunuliaqutaq

Ilaqtariinnut inerisaavik ukioq 2016-imi illup oqunneranik nalunaarut takkunnikuuvoq, misissuinerit kingunerisaannik. Piffissamilu kingullermi sulisunut aammalu sullitanut annertuumik kingunerluuteqarpoq, illup oqunnerata najoruminaannera annertusigaluttuinnarmat.

#### Maleruagassatigut tunngavissat

Soqanngilaq

#### Pissutsit atuuttut

Sulisut ukiut ingerlanerini timikkut ippigisaqartarnermi nakorsiartarnerat akulikilliarporpoq . Amerlanertigut peqqinnissaqarfimmiit oqariartuutigineqartarpoq oqummik napparsimasaqattaartut Sulisut ulluinnarni atugarisaat peqqissusaatigut ulorianartorsiorput.

Ilaqtariinnut inerisaavimmi sulisut ukiorpanngulersuni timikkut assigiinngitsutigut peqqiilluuteqartarnerat ersiuteqarpoq. Sulisut ataasiakkaat annertuumik amerluuteqarput timikkut, qingakkut aseruunnerit, naamasaatit annikillinerat, niaqqumi aseruunnerit, niaqorluttarnerit, ullup ingerlanerani nukillaagalertarneq, inuummarlunnerit minnerunngitsumillu panertooqqaneq, quersorneq atuupput. Maannalu piffimmi kingullermi quersorulluttarnermik aammik aniatsitsisarneq aamma piuvoq. Anersaartorniarnikkut ippigisaqarneq atuuppoq.

Sulisut kisimik tamanna malugisimannngilaat. Avataaniit isertartut annertuumik aamma malussartartuupput sivirusumillu isersimasinnaasarnatik. Tikeraartigisartakkut inuit assigiinngitsut aamma malussartartuupput illup silaannalunneranik.

#### Aningaasaqarnikkut kingunerisinnaasai

Ilaqtariinnut inerisaaviup oquujarnissaanut R&T Specialrengøring Skadeservice Indeklima-miit neqeroorut naleqarpoq Kr. 115.325,00.

Ilanngullugu april –maj 2020 neqeroorutip saniatigut aningaasartuutaanikut ruujorinik qerisoorerup kingorna suliarineqarneranut kr. 76.145,25 matussuserneqassapput.

Taakkulu Ilaqtariinnut inerisaaviup missingersuutaasa 2020 –ip iluani atuiffinniit nussinikkut matussuserneqarsinnaapput.

**Atugarissaarnermut Ataatsimiititaliap januar-ip 19-ani 2021-imi ileqqusumik ataatsimiinnera  
01/2021 - *Imaqarniliaq***

Atuiffik	Atia	Akuersissutit	Ilassut	Aningaasaliissut nutaaq 2020
552020201-0501015190-122050200-010570	Nutserneq – sulisussarsiorneq	599	-192	407
552020201-0501015190-122140700-010570	Sanaartugassanik suliassiissutit	0	192	192
Katillugit		599	0	599

**Atuilluartuunissakkut kingunerisinnaasai**

Ilaqtariinnut inerisaaviup oquujarneratigut sulisut peqqissut aammalu sullissineq tamakkiinerusq ingerlanneqaqqilissaaq.

**Allaffeqarfiup naliliinera**

Atugarissaarnermut immikkoortortaqarfik Maniitsoq nalilivoq, Ilaqtariinnut inerisaaviup oquujarnissaanut piaarnerpaamik ingerlanneqartariaqartoq, sulisut peqqissusaannut ulorianartorsiormata, aammalu sullissineq tamakkiinerusq ingerlanneqaqqilerniassamat.

Teknikkeqarfik suleqatigalugu allanik neqeroortoqarsinnaanik suliarinnikkusuttunik ulloq manna tikillugu allanik neqeroortoqanngilaq.

**Innersuussut**

Atugarissaarnermut Immikkoortortaqarfik Maniitsoq Atugarissaarnermut Ataatsimiititaliap siulittaasuanut innersuussutigivaa akuereqqullugu

1. Ilaqtariinnut inerisaaviup oquujarnissanut aningaasartuutissat katillugit Kr. 115.325,00 kiisalu ruujorit qerisoormerisa kingorna suliarineqarneranut kr. 76.145,25 akuerineqarnissaa
2. Atuiffimmiit 552020201-0501015190-122050200-010570 atuiffimmut 552020201-0501015190-122140700-010570 nuussinikuut katillugit kr. 243.000.
3. Aningaasaqarnermut ataatsimiititaliamut akuerisassanngorlugu ingerlateqqinneqassasoq.

**Siulittaasup aalajangiinera**

Innersuussut ulloq 07.01.2021 ataatsimiititaliap siulittaasuanit akuersissutigineqarpoq.

**Atugarissaarnermut Ataatsimiititaliap suliareqqiinera**

**Innersuussut**

Siulittaasup ulloq 07.01.2021 akuersissutaa tusaatissatut tiguneqassasoq.

**Aalajangiineq**

Tusaatissatut tiguneqarpoq.

**Ilanngussaq**

1. Tilbud MAN-302 B-620 Familiecenteret
2. Orientering om at der ikke er modtaget andre tilbud til opgaven

**Imm. 5.b Angerlarsimaffik Neriusaami aputaajaatimik pisinissamut qinnuteqaat. Maniitsoq**

Journalnr. 03

Tunuliaqutaq

Angerlarsimaffik Neriusaami sillimaniarnejq eqqarsaatigalugu qimaaffissiat matut 60-it missaaniittut piaartumik aputaajarneqartarnissaat isumagineqartartussaammata. Neriusaamut aqquit marluugamik, taakkulu ukiunerani biilit ingerlavissaqartuaannartariaqarmata. Illoqarfimmi aputaajaatit Neriusaap tungaanut aqquuserinerit marluk kisisa apujaatarpaat, qimaaffissiali tikinneqarneq ajorlutik.

Maleruagassatigut tunngavissat

Soqanngilaq

Pissutsit atuuttut

Angerlarsimaffik Neriusaap qulaatungaa oqquartami inissisimavoq taamaalilluni ukiukut aperujussuartartuulluni. Angerlarsimaffik Neriusaami pedel-it pingasuupput, ataaseq biilertuusarpoq assartuisartuullunilu, apisimatillugu marluinnaallutik ullormut naammassiniarsuaartarput piffissamik nukinnillu annertuumik atuisarlutik. Angummassinnaanngikkaangata sulisut allat (inulerisut ) ikuuuttariaqalartarput, ilaannilu ullorpaalunni aputaajaaneq ingerlanneqartarluni. Nalinginnaasumik illoqarfimmut nivattaatinik tamanna nivanneqartartussaagaluartoq, illoqarfimmi ulapputeqaleraangamik nalaattuarneqartarpoq kingulliunneqartuarneq. Biilit qulaanut qaqqisinnaajunnaartarlutik. Neriusaap eqqaa aputaajarneqarnissaa saaffiginnissutigineqattaaleraagat qaqugu aputaajaasoqassanersoq, nivakkiartorneqaraangallu kingorna akiligassamik immikkut nivanneqarsimasutut akiligassinneqartarluni. Ukiut arlallit Angerlarsimaffik Neriusaami namminerisamik aputaajaatinik peqalernissaq eqqaaneqartuarpoq aammalu isumannaallisaaneq pillugu qanoq tamanut oqilisaataatigissagaluarnerannik peqaraluarpat.

Aningaasaqarnikkut kingunerisinnaasai

Angerlarsimaffik Neriusaami aningaasartuutissanut missingersuutit tamakkiisoq sulis sinneqarmat, immikkullu taakkununga aningaasanik missingersuutinut 2020-mut pisinissamut ilanngussaqaarnikuulluni.

Aningaasartuutissat katillugit kr.140.000,- annertussuseqarput.

Innersuunneqarpoq aserfallattaaliinermut aammalu forsikringimut tunngasut teknikkeqarfimmiit isumagineqartarnissaat aningaasartuutissallu kartillugit ukiumut 7.000,- -12.000,- missingersorneqarput, taakkulu tamarmik Neriusaamiit akilerneqartarnissallutik.

Atuiffik

Atuiffiit	Art	Atuiffiup taaguutaa	Missing	Atuineq	Sinneri	Atuineq %
552030203	132010500	Anskaffelse af inventar (over 100.000)	140.000	<u>0</u>	<u>0</u>	<u>0</u>

Atuilluartaunissakkut kingunerisinnaasai

Immikkut akiligassinneqartarneq pisarunnaassagaluarpoq. Pedel-it piffissaq annertoq nivannermut atorunnaamissagaluarpaat, illorsuullu iluani suliasat aallunneqarnerulissagaluarput. Sulisullu allat (inulerisut) piumaffigineqarlutik nivaqquneqartarnerat unitsinneqarpoq.

Allaffeqarfiup naliliinera

Atugarissaarnermut immikkoortortaqarfik Maniitsoq naliliivoq, sillimaniarneq eqqarsaatigalugu qimaaffissiat 60-it missaaniittut piaartumik aputaajarneqartarnissaat sukkanerusumik isumagineqartartussaammata , aammalu ullut arlallit apisimatillugu sulisut nukitit atorlugit aputaajaasarnerat sulisunut nungullarsaneq unitsinneqartariaqarpoq aputaajaatinik atortorissaarummik pisinikkut.

**Innersuussut**

Atugarissaarnermut Immikkoortortaqarfik Maniitsoq Atugarissaarnermut Ataatsimiititaliap siulittaasuanut innersuussutigivaa akuereqqullugu

1. Angerlarsimaffik Neriusaami aputaajaatimik katillugit 140.000,- pisinissamut.

Siulittaasup aalajangiinera

Innersuussut ulloq 07.01.2021 ataatsimiititaliap siulittaasuanit akuersissutigineqarpoq.

Atugarissaarnermut Ataatsimiititaliap suliareqqiinera

**Innersuussut**

Siulittaasup ulloq 07.01.2021 akuersissutaa tusaatissatut tiguneqassasoq.

**Aalajangiineq**

Tusaatissatut tiguneqarpoq.

**Ilanngussaq**

1. Sukkertoppen rør aps neqeroorut

**Imm. 08 Tamalaat**

Pisortaaneq nalunaarpoq angerlarsimaffeqanngitsut unnuisarfissaat tallimannngormat illoqarfinni marluusuni ammarsimasoq.